



Ned ning sēn wa n yā yel kitga, bi a tedg-a ne a noorā, la a sã n ka tõe rēnda, bi a tedg-a ne a zulemdā, la a sã n ka tõe rēnda, bi a tedg-a ne a sūurā, la yēnda n tug n yūd ne lumaang sēn yaa valanga.

Yii a Abu Sa'ūd Al-ḥudriy nengē (Wēnd yard be a yīnga), a yeelame: mam wuma Wēnd Tēn-tuuma, (Wēnd puusg la A tūgr be a yīnga), t'a yetē: « Ned ning sēn wa n yā yel kitga, bi a tedg-a ne a noorā, la a sã n ka tõe rēnda, bi a tedg-a ne a zulemdā, la a sã n ka tõe rēnda, bi a tedg-a ne a sūurā, la yēnda n tug n yūd ne lumaang sēn yaa valanga.

»

[Naşun Şahuhun (Gom-sikdem sēn manege)] [A Muslim n togs-a]

Nabiyaamā, Wēnd puusg la A tūgr be a yīnga, a sagendame ti b gidg yel-kiti wā, bāmb me yaa būmb fāa Wēnd la A Tēn-tuumā sēn gidgā. ti b gidg rēnda pāng tōog teka. Rēnd ned sã n yā yel-kitga, yaa tūlae ne-a t'a tedg yel-kāng ne a nugu, t'a sã n tar tōogo. A sã n ka tōog boto, bi a tedg-a ne a zelemdā, la woto yaa a sēn na n gidg ned ning sēn maanda kisdā, la a vēneg yellā wēnga n wilga, la a togl-a yel-sōngo sēn ledsd yel wēng-kānga, La a sã n ka tōog boto, bi a gidg ne a sūurā, ne yē mēngā kisd yel-kisdgd-kānga, la a loe n wāag a sūurē wā, ti yē sã n da tara tōog sē n na n gidg-a, a rag n na gidgē. La gidg ne sūurā, yēnda n yaa sid-kūunā sēn tug n paood n yūda, yel-kiti wā gidgr pugē.

<https://sunnah.global/hadeeth/mos/show/65001>

